





699

146

EXCELLENTISSIMO NOBILISSIMOQUE VIRO,

D. D. EMANUELI DOMS SANTA PAU

SANTMANAT ET LANUZA,

MARCHIONI DE CASTEL DOS RIOS,
Regni Hispaniæ Dynaste, Regi Catholico à Consiliis Bellicis,
ejusque in Galliam Legato, antehac Proregi Majoricæ, & in
Lusitaniam Legato, nunc Regni Peruviani, Chile, Terræ firmæ
Proregi, & rei bellicæ Præfecto designato,

PATRONO SUO COLENDISSIMO.

QUÆSTIO MEDICA,

QUOD LIBETARIIS DISPUTATIONIBUS
manè discutienda in Scholis Medicorum, die Mercurii sextâ Junii, 1703.

M. JACOBO DE BOURGES, Doctore
Medico, Præsidente.

An Infantum navi ab imaginatione Matrum?

I.

MIRABILIS foetus cum utero Materno nexus! Adeo
intimus, ut hominem integrum integri hominis dicas esse
partem. Uteri glandulæ post conceptum lacteo paulatim
liquore turgescunt in placentalæ membranâ reconduntur molli:
Glandulæ verò placentalæ sensim accrescentes glandularum uterinarum
intercapedinibus infinguntur. Hac mechanice mutuo sese tangunt
firmiterque coherent uterus & placenta, viaque alimento ad foetum
ex corpore Matris deferendo facilius paratur. Alimentitium humorem

Chylum per vasa Mesenterii lactea in uterum transfundi, oculatori autopsiæ planè repugnat: Vasa namque illa, quæ in belluarum prægnantium utero conspicua albescent, summisque compressa digitis lacteum profundunt succum, non ex Mesenterio sed ex arteriis uterinis prodeuntia, veluti propagationes quædam in vesiculosas uteri glandulas terminantur. Uteri vasa vasis placentæ connecti & inosculari, merum est Anatomicorum parum diligentium figmentum. Succus enim lacteus ex glandularum uteri canaliculis stillans, poros membranæ placentam obtegentis subeundo, in ipsius placentæ glandulas elutriatur. Inde Matris à naturâ institutum cum fœtu commercium, tamdiu duraturum, quamdiu amica illa inter utrumque copulatio duraverit. Hic jure dicas optimo *συμβαίει πάντα*. Ut fœtus à Matre alimoniam, sic multa mala solet mutuari; etenim, quo morbi hæreditarii in parente fovebantur, fermento una cum alimoniâ transmissio in longam prolem non rarò propagantur. Suo certè domicilio viventi fœtus ita mancipatur, ut ipsa Matris imaginatio in eum dominetur.

I I.

HOMINUM mens divinæ particula auræ, incorporea substantia, omnis extensionis experta; hujus & corporis conjunctio opus summo Creatore dignum, humanum captum fugiens. Corporis fabrica tribus adminiculis concatenatis suffulcitur, ordinato spirituum influxu, sanguinis moderatâ fermentatione, & solidarum partium tensione congruâ: Sanguinis circuitus his benè constitutis inculpate absolvitur; spirituum fons sanguis; tonus partium à spiritibus; fermentatio à salibus; nec ætherem excludas. Serie reciproca omnia in unum conspirant; alterum vacillat? reliqua nutant. Qui sine succorum fermentatione, omnia pinsantes, hæc fieri contendunt, ineptè cum naturâ trlicantur. Animæ verò natura in cogitationibus tantum consistit; hæc inconstans ergastuli, in quo illa veluti in servitute detinetur, excitantur repetitis motionibus. Objectorum externorum occasione nervorum extremitates organis insertæ agitantur, vibranturque; hujusmodi motio per tractum nervorum ad cerebrum usque interrupta vibratione continuatur: Spiritus cerebri incolæ juxta suscepti motus impressionem in quasdam veluti undulationes intra ipsum cerebrum aguntur; hinc perceptio & quædam simul imaginatio. Refluxum spirituum ab organis ad cerebrum si admittas, adverso flumine Philosophiam transiatis: Hi siquidem ex cerebro tamquam ex fonte indefinenter scaturiunt, non itaque contrario motu ad originem recurrent. Natura uniusmodi est, simpliciterque operatur. Si intra cerebrum, absente licet objecto, idem quem in illius præsentia spiritus obtinuerant, motus redierit, eadem excitatur idea, veraque sequitur imaginatio; quæ eo fortior distinctiorque erit, quò motus spirituum faciliior, expeditiorque. Tota illa mirabilis incorporeæ substantiæ cum materia conspiratio in eo stat, ut quasdam animæ perceptiones certi corporis motus; & vicissim quasdam corporis motiones certæ cogitationes mentis consequantur.

NATURÆ instrumentum ad omnia motus est localis, tanto facilius communicandus, quanto corporum movendorum resistentia minor. Natura mulieres molli & delicato fibrarum contextu donavit; hanc corporis teneritudinem vitæ institutum non parum fovet & auget: Nervi tenuiores pulsati quemadmodum fides fortius & citius contremiscunt: Mulierum mens præ virorum mentibus multo minus variis ideis intenta objectorum, quibus maximè attendit, impressiones retinet pertinacissimè, quarum conceptæ ideæ vix possunt deleri, sed manent altâ mente repostæ, spiritibus eadem in cerebro vestigia insculpta sponte repetentibus & subeuntibus, semper redituræ. Hæc enim vestigia tam altè impressa spiritus frequentius terunt; etenim cum fluida sint substantiâ præditi, versùs illam procliviùs feruntur partem, quâ via maximè patet, quamque sibi repetitis per cerebrum cursibus ipsi excavârunt. Verumenimverò ea est mechanica cerebri constructio, ut spiritus huiusmodi vestigia subire nequeant, quin ex illis exilire & reflecti teneantur, ad eos potissimum nervorum tubulos, qui objectorum iconibus in cerebro adumbratis è regione respondent. Hunc spirituum reflexum motum variæ corporis actiones consequuntur, obscurissimo olim sympathiæ & antipathiæ mysterio designatæ, facilè verò hodie mechanicâ ratione explicabiles. Cave tamen, credas spiritus ita resultantes, dum ad diversas feruntur corporis regiones, illâ, qua sigillati fuerant in cerebro, *ἡχώεσσι* penitus spoliari.

I V.

NIMIUM nasuti homines naves infantibus per matrum imaginationem inuri omnino negant; sed, *Nasutus sis usque licet, sis denique nasus*, quotidiana contrarium suadet experientia; etenim infantes plurimos characteribus huic aliæve rei similibus commaculatos videmus: istiusmodi stigmata suis imaginationibus Matres referenda esse conclamant, cum similia videantur rebus, quibus illæ in graviditate attentâ contemplatione studuerunt. Stupendi huius & sæpè constantis effectûs causam in fortuito liquorum concursu ponere, hominis est ab optimâ physices ratione plurimum aberrantis. Meliùs in scopum collimare videntur, qui dum phænomeni rationem reddere conantur, non suæ, sed matrum imaginationi attendunt. Quibusdam objectis prægnantes admodum afficiuntur; jucundæ enim rei visione exultant, illiusque possidendæ desiderio conflagrant; objecti tristis miserique conspectu mærent; novâ re aut ostento quodam nimium icuntur, & in admirationem abeunt. In his omnibus animi commotionibus spiritus è cerebri vestigiis impetuosè ad diversas corporis partes reflectuntur, ita modificati & iconici, ut objectorum imaginem in tenero fortis corpore delineare: Figura enim & character cujusque corporis ut in aliud fideliter transeat, intercedere debet intimus utriusque corporis contactus, pressio sufficiens, distinctus omnium suarum partium in agente schematicismus & materia obsignanda conveniens. Hæc omnia, si quæras, in fœtu & Matris spiritibus reperies.

VEHEMENTER errant, qui spiritus utpote fluidos nullâ posse figurâ obſignari ineptè credunt. Nil fluidius lumine; quod nihilominus figuras rerum repræſentat. Quid lumen ſit, quæris? Globuloſam materiam ſolidam & ſummè agitatam Cartefius obtrudit; at meliùs certè noſtri temporis celeberrimus quidam Philoſophus, nullum elementum præter materiam ſubtilem & craſſam admittens, lumen eſſe materiæ ſubtilis minutiffimos vortices ingenioſus contendit; hi enim (ſive mavis) globuli utcunq; ſpiritibus fluidiores videntur, & tamen ex ſingulis objecti punctis exilientes in oculorum retinâ vel in pariete cubiculi atrati vitro artificioſè muniti objectorum ſimulacra depingunt, quovis licèt vento agitati, aut magnum ſpatium emenſi, aut in oculorum humoribus, & vitro refracti; id nunquam efficerent, niſi compendiaras objectorum imaginuſculas ſuis particulis imitarentur. Quidni & etiam animales ſpiritus, quantumvis fluidi, veſtigiorum cerebri modificationem retinebunt? poſtmodum in tenero fœtus corpore inſculpendam aut delineandam. Nec te minùs erudiet hunc ſpirituum conſtantem characterem fortiſſima melancholicorum imaginatio, qui, dum canes & interdum pullos aut alia animalia ſe abſurdè credunt, per ſpiritus in veſtigiis cerebri jam obſignatos vocis inſtrumenta & corporis partes ita contorquent, ut latrando geſtiant, & pipiendo ſalient. Viam quæris, per quam ita figurati ſpiritus ad fœtum deveniant? Adſunt nervi ad omnes corporis partes protenſi, quorum ſpiritus ſucco intermiſti lacteo poſſunt ad corpusculum fœtus commeari. Quapropter mirum minimè videri debet, ſi Infantes tanquam imaginationis Matrum ſervi ſtigmatiſci & notis compuncti in mundi ſcenam exeant.

Ergò Infantum navi ab imaginatione Matrum.

Domini Doctores diſputaturi.

M. Ludovicus-Franciſcus Dotal.

M. Michæl-Ludovicus Renaume
de la Garanne, è Regia Scien-
tiarum Academia.

M. Ludovicus Demondiers Dugué.

M. Raymundus-Jacobus Finot.

M. Claudius Berger, è Regia
Scientiarum Academia.

M. Philippus-Bernardus de
Bordegaraye.

M. Claudius Quinquebœuf.

M. Bertinus-Simon Dieu-
xroy.

M. Joannes Boudin, Sere-
niſſimi Delphini Prin-
cipis Medicus Primarius.

Proponebat Pariſiis PETRUS AZEVEDO, Hiſpanus,
Baccalaureus Medicus. A. R. S. H. 1703.

Apud Viduam Franciſci Muguet, Regis & Facultatis Medecinae Typog.